



di Peppino Putzulu Sedilesu

*A caddu in sedda , e a pandhela in manu,
intrat in Ponte Miloio currendhe
cun su sign'e sa rughe e cumbattendhe
Costantinu , a Massenzio tiranu .*

*Su sese a sero , e su sette a manzanu ,
de triulas donz'annu , festegiendhe
est Sedilo devotu , est rinnovendhe
cun s'Ardia , cumpretu , cuss'arcanu .*

*Oe po cussu simbolu est preghendhe
e donzi isolanu abitadore
s'at caddos bonos , chi los siat dendhe .*

*Pustis si a Costantinu azis amore
benide a bos godere s'ispetaculu
fatu cun vera vide , e cun folklore
chi dat suspansa , brividu e miraculu .*

